

# GARIS PANDUAN SKIM GERAN PENYELIDIKAN INSENTIF PhD

*Pusat Penyelidikan dan Inovasi/Jabatan Pendaftar*



**UMS**  
UNIVERSITI MALAYSIA SABAH

## **BAHAGIAN 1: PENGENALAN**

### **1.1 Falsafah Skim Geran Penyelidikan Insentif PhD**

Sebagai sebuah universiti yang beraspirasi untuk menjadi universiti penyelidikan, UMS perlu menyuburkan budaya penyelidikan. Untuk ini, sebuah dana khusus diperlukan. Skim Geran Penyelidikan Insentif PhD dapat menggalakkan penyelidikan asas dangunaan untuk menjana ilmu yang mampu menyumbang terhadap peningkatan tahap intelektual, penciptaan teknologi baru dan penyuburan budaya yang dinamik selaras dengan aspirasi negara.

### **1.2 Definisi Skim Geran Penyelidikan UMS**

Skim ini merupakan geran penyelidikan permulaan bersifat jangka pendek yang dibiayai oleh dana daripada sumber dalaman UMS. Skim diberikan sebagai galakan kepada Pensyarah UMS yang berjaya menamatkan pengajian peringkat PhD mengikut tempoh ditetapkan serta tidak memohon pelanjutan pengajian.

### **1.3 Tujuan Skim Geran Penyelidikan UMS**

Skim ini bertujuan untuk menggalakkan penjanaan teori, konsep dan idea awal yang dapat menjadi landasan atau pemangkin kepada penemuan baru dan penciptaan yang inovatif yang boleh mengembangkan sempadan ilmu.

### **1.4 Bidang Penyelidikan**

Pembiayaan skim ini meliputi bidang-bidang asas dangunaan yang dapat menyokong pembangunan nic penyelidikan universiti dan nic penyelidikan institut atau sekolah selaras dengan bidang keutamaan penyelidikan di peringkat kebangsaan dan keperluan Negeri Sabah.

## **BAHAGIAN 2: PERMOHONAN**

**2.1** Skim ini bertujuan untuk membudayakan aktiviti penyelidikan di kalangan pensyarah atau penyelidik yang baru menyelesaikan pengajian peringkat Doktor Falsafah.

**2.2** Skim ini khusus dibuka kepada pensyarah UMS yang baru balik daripada melanjutkan pengajian di peringkat Doktor Falsafah dalam tempoh yang ditetapkan.

2.3 Nilai skim ini adalah RM10,000.00. Jangkamasa projek adalah 1-2 tahun sahaja.

**2.4** Permohonan untuk Skim Geran Penyelidikan Insentif PhD perlu menggunakan **Borang PPI/SGPhD/1**.

2.5 Semua permohonan hendaklah diperakukan oleh SPIU masing-masing dan dihantar kepada Bahagian Pembangunan Sumber Manusia, Seksyen Pengajian Lanjutan, Unit Pengajian Lanjutan (Akademik), Jabatan Pendaftar.

#### **2.4 Kriteria Penilaian**

2.4.1 Penyelidikan yang dipohon mestilah merupakan penyelidikan yang dapat menghasilkan suatu idea/ teori/ konsep/ kaedah/ model/ proses baru; dan

2.4.2 Penyelidikan yang dapat menambahbaik sesuatu polisi, metodologi dan model penyelesaian yang sedia ada; atau

2.4.3 Penyelidikan yang merangkumi isu-isu kemanusiaan dan kemasyarakatan bagi tujuan peningkatan nilai kehidupan dalam negara dan sejagat; atau

2.4.4 Penyelidikan yang berpotensi untuk menyumbang kepada agenda strategik negara.

#### **2.5 Peraturan Kewangan**

Peruntukan yang diluluskan perlu digunakan mengikut syarat-syarat berikut:-

2.5.1 Peruntukan hanya boleh digunakan untuk pembelian bahan pakai habis, sewaan dan perjalanan domestik yang berkait langsung dengan projek dan keperluan-keperluan yang berkaitan.

2.5.2 Penggunaan lain seperti pembelian peralatan dan perjalanan menghadiri persidangan tidak dibenarkan.

2.5.3 Dibawah skim ini pelantikan Pembantu Penyelidik (RA) tidak dibenarkan.

2.5.4 Prosedur pembelian serta penggunaan wang penyelidikan harus mematuhi peraturan kewangan serta pekeliling kewangan yang digunapakai di UMS.

#### **2.6 Hasil Penyelidikan**

- 2.6.1 Penerbitan - Semua penyelidik digalakkan menerbitkan sekurang-kurangnya satu (1) penerbitan dalam jurnal berwasit. Penghargaan kepada geran UMS mestilah dinyatakan dengan jelas dalam setiap penerbitan.
- 2.6.2 Hak Harta Intelek - Penyelidik digalakkan untuk memohon pendaftaran Harta Intelek sekiranya perlu melalui PPI. Hak harta intelek adalah milik UMS.

## **BAHAGIAN 3: PENILAIAN**

### **3.1 Penilaian Skim Geran Penyelidikan Insentif PhD**

- 3.1.1 Permohonan Skim Geran Penyelidikan UMS akan dinilai oleh Jawatankuasa Penilaian mengikut bidang-bidang yang telah ditetapkan. Jawatankuasa ini diketuai oleh seorang Pengerusi dan dianggotai oleh beberapa orang Ahli Jawatankuasa yang diiktiraf sebagai pakar dalam bidang masing-masing.
- 3.1.2 Pengerusi-pengerusi bagi setiap Jawatankuasa akan memperakukan permohonan projek yang telah dinilai kepada Jawatankuasa Induk Skim Geran Penyelidikan UMS yang dipengerusikan oleh TNC (P&I) untuk diluluskan.
- 3.1.3 Penilaian oleh Jawatankuasa Penilaian adalah berdasarkan kepada syarat, peraturan dan kriteria yang tersebut di atas serta lain-lain Garis Panduan UMS yang berkaitan.

## **BAHAGIAN 4: PEMANTAUAN**

### **4.1 Implementasi Projek**

Semua projek yang diluluskan di bawah Skim Geran Penyelidikan Insentif PhD akan dipantau oleh PPI dari aspek:- (i) Prestasi projek; dan (ii) Prestasi kewangan.

### **4.2 Laporan Kemajuan**

Penyelidik dikehendaki menghantar laporan kemajuan penyelidikan mereka setiap 6 bulan menggunakan **Borang PPI/SGPhD/2**. Kegagalan untuk menghantar laporan kemajuan penyelidikan sepertimana yang dijadualkan akan menyebabkan aktiviti kewangan projek penyelidikan tersebut disekat sehingga laporan kemajuan dihantar ke PPI.

### **4.3 Laporan Akhir**

Laporan akhir penyelidikan perlu dihantar dalam tempoh 3 bulan selepas projek disiapkan dengan menggunakan **Borang PPI/SGPhD/3** dengan menyertakan sekali kertas penyelidikan yang telah diterbitkan.

## **BAHAGIAN 5: LAIN-LAIN**

### **5.1 Pengesahan oleh Dekan/ Pengarah**

Pengesahan bagi aktiviti dalam menjalankan penyelidikan (kerja lapangan) termasuk proses kewangan projek mestilah melalui Dekan/ Pengarah atau Timbalan Dekan/ Timbalan Pengarah (P&I) SPIU semasa ketiadaan Ketua Jabatan masing-masing. Perkara ini terpakai kepada pensyarah yang memegang jawatan pengurusan di jabatan lain.

### **5.2 Penamatan Projek**

Sebarang permohonan untuk menamatkan projek hendaklah di pohon secara surat rasmi melalui Dekan/ Pengarah atau Timbalan Dekan/ Timbalan Pengarah (P&I) SPIU masing-masing.

## CARTA ALIR PERMOHONAN SKIM GERAN PENYELIDIKAN INSENTIF PhD

